

Newspaper	UTUSAN MALAYSIA
Date	22 SEPTEMBER 2016

...dangan hiraukan kata-kata orang tua yang seakan hilang akal - Sultan Ibrahim

# Rakyat Johor perlu berbangga

UM - 22/9/2016

■ JOHOR BAHRU 21 SEPT.

**S**ULTAN Johor, Sultan Ibrahim Sultan Iskandar bertitah, rakyat Johor perlu berbangga menjadi bangsa Johor yang bersatu-padu dan sentiasa menjaga hubungan yang harmoni antara kaum dan agama yang berbeza.

“Sejak saya hidupkan semula semangat bangsa Johor yang telah diasaskan oleh Almarhum Sultan Ibrahim sejak tahun 1920-an, saya dapat rasakan semangat perpaduan antara kaum di negeri Johor ini telah semakin meningkat,” titah baginda dalam majlis jamuan teh bersama pemimpin masyarakat Tionghua negeri Johor di sini hari ini.

Baginda bertitah, semua masyarakat di Johor mula merasa bangga yang mereka bernaung di bawah satu payung yang tidak membezakan kaum, keturunan atau asal usul mereka.

“Inilah semangat perpaduan yang mesti kita kukuhkan.

“Mungkin ada orang politik di luar Johor yang cemburu dengan konsep bangsa Johor ini dan mengatakan yang ia hanya membawa kepada perpecahan.

“Bukankah penyatuan pelbagai kaum di bawah satu bangsa itu menghasilkan perpaduan? Bukankah perbalahan politik dengan agenda tersendiri yang membawa perpecahan? Janganlah kita hiraukan kata-kata orang tua yang seakan hilang akal ini,”



**SULTAN IBRAHIM** diiringi Pengerusi Jawatankuasa Pelancongan, Perdagangan dan Kepenggunaan Negeri Johor, Datuk Tee Siew Kiong (kanan) menyaksikan persembahan tarian singa di Dewan Cina, Istana Besar, Johor Bahru, semalam. -BERNAMA

titah baginda.

Sultan Ibrahim bertitah, rakyat Johor perlu menunjukkan nilai dan budaya bangsa Johor yang beradab sopan, tolong-menolong dan hormat-menghormati antara satu sama lain.

“Jangan biarkan perbezaan fahaman politik memecahbelah-

kan bangsa Johor,” titah baginda.

Baginda turut membidas pemimpin-pemimpin politik yang mempunyai agenda tersendiri untuk merebut kuasa pemerintahan.

“Mereka sering membangkitkan isu-isu sensitif yang boleh menggugat kesejahteraan ma-

sarakat. Mereka berjuang bukan lagi untuk kepentingan umum tetapi lebih untuk kepentingan peribadi,” titah baginda.

Titah baginda, mereka ini menggunakan apa juga cara untuk mencapai matlamat mereka, malah sanggup melakukan huru-hara. -BERNAMA